



葛莊詩鈔

辛酉  
壬戌

遼海劉廷璣玉衡

一字  
在園著

卷三

立春前一日郊行

東風吹暖到簷牙散策芳郊水一涯老衲不知新  
歲月野樵惟戀舊烟霞山光上下明殘雪鳥跡參  
差印淺沙聞道春來明日始好將消息問梅花

答宣城王秀才

秀才  
所取士也  
先君

執手緣疎但識名宛陵迢遞隔神京慙勤書慰新

知已痛切詩悲舊友生千里徒勞山水夢數年深  
見死生情應知驤首雲衢日共識當年用舍精

春日西郊

東風吹出鳳城西小雨如絲踏作泥松列翠屏山  
上下屋垂金線柳高低綠萍開處浮魚沫軟草鋪  
來襯馬蹄自是太平餘樂事幾多絃管醉長堤

漫興

郊原幾日爲春忙贏得餘閒坐草堂讀史是非存  
不論理琴絃手樂相忘鳥將浴水先窺影花不隨

風自動香只此塵緣都欲盡何須丘壑始徜徉

友人招飲晚歸作

出門不辨路西東信馬行行有徑通衣上幾絲飛  
絮雪眼前一片舞花風天粘芳草春同碧雲染斜  
陽晚更紅歸去尙饒餘興在青帘搖曳柳陰中

祖氏園 并序

春末夏初攜酒遊城南寄暢園都城舊事  
也主人卽世營兆於此亭榭依然羽鱗尙  
在撫今念昔感慨殊深口占以示同遊

春風猶剩此亭孤  
亭外淒然鳥自呼  
樹有高低青不斷  
水無深淺綠平鋪  
分明淚落花千點  
多少愁澆酒一壺  
仍是中丞舊池館  
屏山六幅漸模糊

題畫

茅屋通板橋  
蒼崖枕古樹  
舍此卽塵囂  
攜杖欲何去

聞賣花口占

三月名花取次開  
賣花聲裏日徘徊  
長安市上春如許  
不有金錢買不來

偶賦禽言行不得也哥哥

如雲車馬塞長途  
人自紛紛鳥自呼  
試問聲聲行不得  
也會喚轉一人無

送越千歸涿戲贈

三秋一日幾徘徊  
且向紅亭泛綠盃  
千尺斷虹收雨去  
半規新月破雲來  
鶯花滿路休遲戀  
欵段斜陽盼早回  
若使隔宵君未到  
小樓深處有人猜

夜雨有懷

疾電轟雷瞬息過  
翻盆急雨夜滂沱  
流當白玉溝

中滿聲向紅蕉葉上多孤榻夢魂空寂寞故人消息半蹉跎幾回欲問南來雁雁亦離羣可奈何

夏日訪越千卽書齋壁

一抹白雲天淡掃數畝芰荷香氣遶九衢何處不緇塵此地幽閒乘興杳挈伴一相訪方塘圍曲沼驚催鶴步忙細結茶烟裊幾欲敲門未敢敲隔牆高下書聲好相逢不用整衣冠瀟灑臨風自皎皎膽瓶數換及時花畫圖一幅春山曉壁上高懸綠綺琴牀頭滿疊羅囊草從來耽癖是吾儕翻爲書

多嫌屋小

寓感二首

十載風塵幾變更雙眸閱歷自分明畢生事業唯家國千古文章止性情顧我是非原有定任人毀譽未須爭牀頭畱得孤琴在一奏高山流水聲漫說微名屬渺茫半生猶未定行藏才非廊廟甘成老時際雍熙不敢狂多病漸知祛鬼術閒居時錄濟人方年來爲避塵氛雜且伴禽魚戀草堂

中秋前夜喜晴

農圃詩錄  
四  
昨宵萬里垂雲黑神龍挾雨飛如翼雷電驚馳勢  
莫當應教一月秋霖亟豈料今宵玉兔光清清猶  
向尊前得我來對影卻成三滿瓢醉臥嫦娥側一  
年月不盡中秋半世人過如瞬息若將歡樂待來  
宵來宵晴雨誰能測

對菊東石公明府

有幹不畏霜有花不借春繁英皆萎落而乃獨精  
神淡泊守故籬瀟灑遠風塵千古誰知己但與陶  
家親陶家遺世俗于此寓其真東軒一壺酒秋色

共鮮新

秋夜讀書東同學諸子

獨對青檠夜半時悠然木榻靜中支古今檢點圖  
書富老大悲傷誦讀遲露濕無聲花自落風生有  
暈月先知小窻此際應忘寐黃卷從來鬢易絲

秋村晚釣圖

雞犬若相聞人家一水分霜林無剩葉山舍有新  
雲鳥倦投寒麓漁閒釣夕曛穆然存太古何處着  
塵氛

錢玉友下第應粵東于學使幕別去月餘計  
程當在梅嶺有寄

何事長征萬里途才人強半爲饑驅使君聲價從  
今重幕府文章本自殊曾向西風遭點額肯教南  
海歎遺珠相思此夜勞清夢君臥梅花第幾株

偶見某使君輿頌

使君賢所當然使君能何用稱古來謠頌亦時有  
今日口碑同芻狗使君聞此心安否茲編出自何  
人手

哭張表姪

家姑母少年守志先表兄中  
道而殂止遺此子又復殤也

戶鎖松筠四十春可憐剛剩一孤孫好花初放風  
旋落新月纔生夜已昏衰朽卽今空有淚蒸嘗從  
此竟無根定知未了生前事也向泉臺作怨魂

次印上人贈行腳僧韻

鐵鞋踏破幾時休尋到黃河水盡頭有月傳燈千  
壑淨無風動樹萬山幽看花每歎流光促對鏡翻  
嫌幻影留兀坐家園生健美美他任意五湖遊

雪中晚歸

一天急雪舞風斜歸自長安賣酒家  
驢背難分高下路城頭爭集後  
先鴉山非瑤島皆成玉樹不瓊  
枝也放花解事小童知我醉預將  
活火煮新茶

雪後答張參戎

疑是身居掛月村捲簾殘雪對芳尊  
灞橋非負尋詩約爲有梅花不出門

冬夜懷越千遊中州計程應至邯鄲

漠漠烟沙獵獵風敝裘羸馬寄遊踪  
離家百里便爲客到處孤身况值冬  
洛水無舟橫野渡聰山有

雪壓層峰今宵一片淒清月臥聽長途古寺鐘

冬夜有感兼懷曹峙乃妹丈時客秦中

紙窻颯颯晚風狂冷月疎鐘意渺茫  
壯志空隨雲共遠閒愁每與夜爭長  
音書不隔人千里魂夢遙通天一方  
此際知君應未寢葡萄獨自酌西涼

赴祝侍御山庄之約馬上口占

何處尋幽境雲邊一草堂晴山浮遠翠嫩柳着新黃  
簾捲春風暖尊開午夜長還期明月下嘯咏踞匡牀



夜集景抑堂限韻

風流不改舊青衫莫負春光次第探遠寺鐘聲雲  
外落閒庭花影月中含襟懷落落塵氛少世俗忙  
忙夢寐慚爭似五陵飛逸興醉來一曲奏江南

題梅花仕女圖

暗香疎影珮環聲一種丰神一種情妾是梅花花  
是妾羅浮夢裡不分明

遠懷

香林何處夜鐘撞奈爾愁魔倩酒降醉倒鴛鴦墨  
在枕驚回蝴蝶月當窻無情漏水聲聲急作意燈  
花故故雙弱柳長條千里外雷塘南去是邗江

夏日書事

火雲收去碧天空鷗鷺閒閒意頗同流水常鳴高  
下石疎簾不隔往來風竹分高士盃中綠花染佳  
人指上紅忽覺新涼隨處好斜陽已過畫樓東

夏閨

無端閒事促人忙紅點鮫綃染汗香怕自手生調  
綠綺助他人嫁繡鴛鴦薔薇露滴催新浴茉莉花

開候晚妝金碗鳳僊初搗罷又看明月到迴廊

南湖曲

紅板橋通綠水塘石欄斜拂柳絲長六郎花並鴛  
鴦睡月淡風微夢也香

睡起偶書

草堂圍抱竹依依魚鳥親人兩不疑一榻殘書心  
定後半簾斜日夢回時入槐太守歸何早授枕仙  
翁遇亦奇焉得風塵多幻術教他都作醒來思  
孟芥舟評事祝涓公宗人過訪

新竹栽成一院陰繩牀石枕伴孤琴余方中酒花  
前臥客爲吟詩月下尋今古狂畱吾黨在乾坤傲  
寄草堂深與君剪燭清宵話天際長風響暮林

夏夜訪友

西山落日策孤筇一帶溪流有徑通載酒來尋秋  
水外問人知在板橋東半簷疎影梧桐月滿院新  
涼菡萏風客已入門童不報傳言花下賦詩工

病餘

霹靂聲中暑氣收堦前扶病亦優游一天梅雨千

山暮小院松風五月秋  
賴有青琴堪寄傲  
好將綠酒漫澆愁  
徘徊竟日還高枕  
任爾烟雲鎖翠樓

夏日魏惟度張鐵庵小集惟度以詩見贈依

韻賦酬

勞君烈日走纖離  
景仰堂開有夙期  
蓮子迎風初落瓣  
竹孫穿土漸成枝  
吳江豪士青萍劍  
閩海詩人白接羅  
何易長安一尊酒  
論文永日得新知

越千以太液荷花見寄

美君高館御河濱  
遶屋蓮花六月新  
日映波光舒

放早風飄香氣往來頻  
遠觀幾度思君子  
解語何須問美人  
珍重折來書幌下  
清泉一勺洗輕塵

止友人宿

雲吐奇峯似有因  
草堂懸榻待詩人  
虛窻影轉梧桐靜  
小院香分菡萏勻  
自有一尊酬好句  
不須雙眼看浮塵  
畱君此夕論今古  
豈比長安漫主賓

寄懷許康侯鎮守粵東

不肯畱君獨憶君  
丈夫事業在風塵  
八千里外新戎馬  
二十年前老故人  
屈指帆應過地肺  
開緘棹

尚繫天津岩疆日望旌旂到須向長途重此身

旱

有土皆憔悴非農亦歎嗟火雲流綠野白日染黃  
沙六事君王意三秋億兆家 皇恩深雨露軫念  
及桑麻

上親禱南郊甘霖立沛恭賦誌喜

盛世何妨旱神哉補救功民勞開地利 主聖奪  
天工膏澤雲邊落倉箱野外充無人知 帝力作  
息自成風

六月砧聲

六月搗清砧空閨萬里心玉關寒信早寄到已秋  
深

兩夜懷越千

風吹旅客心兩滴愁人耳兩地共今宵都在秋聲  
裏

園居雜興三首

散步在園東秋光晚不同竹叢堆徑綠榴實飲霜  
紅雲度池中水蟬驚葉上風閒吟酬雅趣斜日下

簾櫳

隨意原瀟灑幽窻石案前  
雨餘花帶日風定樹留  
煙侍酒童先醉敲棋客  
欲僊旁觀成一笑犀局已  
紛然

何必羨林丘心閒境自幽  
偶然成獨往興到不須  
謀石帶西山色花移小院  
秋爲憐新月好攜酒上  
南樓

中秋前夜家伴阮以滄洲酒佛手柑見餉  
何事清芬遍草廬西風吹到一函書  
江南珍菓秋

來早冀北醇醪味有餘  
教我沉酣成曠達憑君指  
點得真如詩成靜夜遙  
相憶萬里蟾光滿太虛

寄胡子良明府

明府先君故吏也

十載蓬門歎數奇行藏羞使故人知  
貧家莫恠還如舊廉吏從來不可爲  
誰比松筠存古操盡隨桃李向春移  
但看此日殷勤意尙憶從前顧盼時

諸葛龍章至京感舊

別時煙雨記銅陵都下重逢意氣增  
閉戶尋常猶我拙據鞍七十美君能  
醉沉高閣秋深月話燼西

唐詩言錄  
三  
窻夜半燈嘆息十年前後事兩心相照玉壺冰

仁壽寺和惟度韻

不到清涼處難高淡泊名此身猶是幻何地可容  
爭鐘鼓清人夢烟霞冷世情我來原有意非獨爲  
閒行

檢曆

檢曆一年中來日苦不多涼風吹皓月圓缺九經  
過黃花作新蕊黃葉辭舊柯歲華復虛擲鬚眉羞  
巖阿世共羨彭錢以其壽皤皤人生無表樹千歲

復如何

閒居

蕭蕭菊花風吹入虛窻冷小院寂無人夕陽澹秋  
影神清不成寐情閒乃能靜落落俗寡諧眼前悅  
真境硜然守愚拙戶外非所省

重陽前夜不寐

中庭白露下銀河滴滴銅龍漏水多月影漸移花  
上去雁聲頻送枕邊過一年時又重陽近萬事愁  
如此夜何便道人間都是幻也須有夢到南柯

重陽集文昌閣懷古培客遊衡陽

漠漠陰雲入楚天，登高一望正凄然。  
共酣燕市重陽酒，遙憶湘江獨夜船。  
豈是無書來客裡，其如少雁到君前。  
相思欲寄清宵夢，木葉蕭蕭宿雨懸。

重陽後一日盧學士招陪扈侍御紀宗伯佟

中丞諸公

底事重陽有後期，明朝風雨太淒其。  
樂天酒熟初成社，元亮花開正滿籬。  
座集東山新杖履，珂鳴北闕舊威儀。  
不嫌野性原疎懶，也許尊前倒接羅。

賦得霜葉紅于二月花五首

霜葉紅于二月花，林端掩映夕陽斜。  
遙山鋪作重錦斷，岸流成片片霞休。  
憶羣芳迎社燕，請看豔色染寒鴉。  
謾言秋景方蕭索，若比春光一倍華。  
疎林不爲白雲遮，霜葉紅于二月花。  
薄暮牛羊歸故道，清宵鴻雁宿寒沙。  
人非松柏難辭老，地好谿山便欲家。  
幾命驅車還小駐，擬將踪跡問胡麻。  
幾處柴門逐徑斜，四圍雲樹護山家。  
烟巒碧似三秋水，霜葉紅于二月花。  
看雁但橫高下字，折蘆不

唐詩金  
古  
作短長筇行行疑入桃源路忘卻人間舊歲華  
半天爽氣上征車閒倚烟雲玩物華滿目楓林人  
欲醉一帘茅店酒堪賒冰心淡比三秋菊霜葉紅  
于二月花自是山中饒野興儼然身染赤城霞  
蕭瑟秋光入望賒憑高人忽動長嗟一年豈必春  
常在萬物何當老更嘉過眼芳菲成冷淡逢時寂  
寞變繁華試看楓樹寒山外霜葉紅于二月花  
相逢行  
世路嘆悠悠何須問舊讐相逢成一笑同上酒家

樓

長安道

車馬長安道紛紛日夜爭相看試相問若箇是閒  
行

壯士吟

易水千秋淚空悲壯士名死生何足道所惜事無  
成

送客曲

把酒對山花夜深猶未歇我醉不能前送君倩明



月

訪李若士員外園亭因病不晤

曲徑蒼苔襯履痕  
欄干寂寞樹黃昏  
一規月魄開  
虛牖幾片蕉陰護  
短門狂客來尋非  
為竹主人臥  
病不開尊  
暫將無限詩文興  
畱與他時仔細論

秋宵諸詩人集周將軍宅相邀不赴走筆賦

答

新月將沉鴉盡睡  
蕭蕭修竹涼風吹  
興來有意欲  
吟秋半成未成行  
掉臂忽聞剝啄人  
敲門知是將

軍邀我醉笑語司閤為我辭  
座上主賓詩可畏  
短篇五字吳江冷  
長歌一掃源泉沸  
九臯鳴鶴聲徹  
天寒蟲唧唧  
應趨避來朝即欲購  
新編只恐長安紙價貴

在園夜集同渭公文兆聯三江二十一韻

金風吹露濕旌幢  
渭公隱隱疎鐘向夜撞  
冷月穿

籬花歷亂  
在園涼飈遶戶樹  
錚淙天斜河影含珠

斗文兆徑落泉聲響  
石缸菊色蒼涼秋過九  
渭公

松陰蕭瑟客來雙  
何妨倒盡中山酒  
在園渡莫燒

殘半夜缸孤笛橫吹南部曲文兆悲笳頻咽并州

腔交情每以文章密渭公野性還教騷雅降人似

羲皇安淡泊在園風疑太古入鴻厖淒淒隔院鳴

雙杵文兆歷歷層樓映九杠幾塵玄談花拂座渭

公一尊清嘯鶴臨窻高懷應荷將軍鍾在園雅興

同眠吏部缸華館豪歌還擊筑文兆閒庭醉舞獨

橫鏃疎狂身老徒依闕渭公遊覽情深欲泛艤遺

世今無盤谷李在園逃名昔有鹿門龐何年吹鳳

翔清漢文兆他日乘魚躍大沔雲歛數峯山寂寂

渭公烟橫孤澗水瀧瀧旋聞遠戍寒吹角在園試

聽嚴城曉擊柳笑我到來惟下榻文兆送君歸去

獨驂駝滿林楓葉飛鳥鵲在園一路霜華吠小龍

客散出門瓶欲罄渭公詩成落筆鼎能扛浮生行

樂原無幾在園好記今宵在帝邦文兆

送舍妹之閩

驛路風霜性未諳况當離別意難堪舉家相送三

秋淚兩月于歸萬里驂汝望白雲依斗北我看斷

雁過江南高堂華髮垂垂老好覓雙魚寄一函

早出西郊

馬驟沙頑一路平  
疎鐘隨我出秋城  
村迷樹影深  
深黑燈映波光閃閃明  
紫陌鳴珂臣待漏  
紅塵結  
勒客登程何如高臥山中者  
滿榻煙雲夢寐清

書懷

出門事半與心違  
空對窮秋但掩扉  
黃菊開殘紅  
葉落斜陽收去素  
蟾飛肉生髀  
裡因循老金盡  
牀頭遇合非多少  
夙懷俱寂寞  
人生豈獨爲輕肥

集石公吾廬分韻

方悲秋老雁離羣  
明月開尊夜正分  
西嶺煙霞空  
待我東橋泉石盡  
歸君一燈高下吟  
紅葉孤榻清  
幽臥白雲驢背先  
歸人旣醉鐘聲猶  
得遠相聞

十月十五夜喜瞽妹倩至京

相見翻無語  
相思卻數年  
今宵一杯酒  
明月對人圓

同友人飲郊外酒家

道上多新塚  
橋邊有酒家  
與君揀一醉  
西嶺日將斜

野望有感二首

極目平蕪萬木低人家一半曉烟迷歲寒多少林中鳥不為蕭條改舊棲

蒼茫斜日下岩阿有客啣悲匹馬過來往郊原三百里桑麻地少墓田多

蘋村

一徑逐門斜寒烟遶數家野人畱客坐掃葉自烹茶

明宮人斜

魚膏燈盡夜無光紅鬼紛紛泣斷腸莫怨當時恩厚薄十三陵上亦斜陽

怨歌行

秋風吹團扇人將扇為比人生那得如扇能團到底

男

均培 全校字

葛莊詩鈔卷三 終

葛莊詩鈔

癸亥

遼海劉廷璣玉衡

一字在園著

卷四

元夕

太平新歲月此夕盡開顏  
 索戲羣兒舞秧歌幾處  
 園魚龍飛闕下星斗落  
 人間擾攘千聲合迷離  
 五色斑花堆紅火樹錦  
 簇小鰲山公子調琴轡  
 佳人啟獸環相逢成一  
 笑偶犯亦無閑夾路春  
 何限嚴城夜不關紛紛  
 九衢月誰復肯輕還

御河

玉竦金鰲次第過，潺湲聲裏雜鳴珂。  
白來半帶西山雪，綠去全添太液波。  
聖世澄清無不遍，臣心洗滌欲如何。  
若教有日雲龍會，應使人間雨澤多。

二月一日諸同人夜集

梅花有意欲畱君，共宿寒齋半榻雲。  
斗酒莫辭今夕醉，十分春已去三分。

遲高扶九周胥原不至

不隔山林不隔溪，幽居只在鳳城西。  
豈因花柳畱

人眼何處樓臺駐，馬蹄籬落穩眠春。  
晝犬鄰家高唱午，炊雞詩成緩步空。  
庭靜茗椀爐香獨自題。

春夜懷古培

空齋寂寂捲疎簾，滿地梅花素影纖。  
記得去年今夜月，一浮大白一掀髯。

友人納妓戲占

欸欸東風淡淡煙，紅桃幾度笑春天。  
閒花只合閒中看，一折歸來便不鮮。

落花代某校書賦

萬葉詩金  
一陣輕風不忍聞朝方爛熳暮紛紛從來不敢私  
相怨開亦憑君謝亦君

春園戲贈

紅燈綠酒碧山莊月在梅花月也香梁睡一雙新  
燕子池遊幾箇野鴛鴦可知雲雨原無夢不信溫  
柔別有鄉玉漏聽殘春寂寂空教腸斷杜韋娘

春寒

二月風無賴依然向北來冰翻今日結花到幾時  
開選石敲新火呼童煖舊醅炎涼渾不定閉戶獨

徘徊

二月六日越千自涿至京快讀近稿

東風久已到疎籬客較春歸似覺遲堤柳淺深鶯  
早辨園花先後蝶應知鞭吟范水詩千首酒送西  
山月一睂九十韶華今欲半明朝走馬復何之

訪郭侍御不遇

獸環雙掩惜閒堂少憇東軒轉畫廊

惜閒少憇皆侍御顏額

几上插花初着水爐中有火罷焚香遠人載酒關  
情切童子擎茶荅話長道是朝天非避客清晨騎

馬入鵝行

雍南攜詩稿過訪不值改余近作而去

散社歸來落照多入門知是客經過鶴行猶自驚  
深院履跡依然在淺莎始覺我詩吟未細不知君  
句法如何幾回欲向休文論明日騎驢到玉河

同扶九明府飲西河酒家

偶向西河緩步行一帘搖曳遠相迎主人熟面渾  
忘姓美酒沾唇便識名門外春風楊柳岸眼前流  
水鳳凰城與君共買黃鱸醉世態茫茫不可評

春遊曲二首

纔踏山林屐齒香催歸無奈又斜陽沿溪羞見桃  
花面恐笑遊人去太忙

一枝紅杏鬢邊開蜂蝶紛紛去復回寶馬香車三  
十里帶將春色進城來

病中越千至共言時事

片片浮雲不可留風來先撼最高樓  
羊豈道生前事得馬翻成意外憂  
爾幸長貧愁易遣余因善病性耽幽  
西山流水空今古攜手同來看白鷗



春日二首

性懶非關傲情真不是狂羅囊搜舊句竹葉試新  
方檢曆攤花子呼童補蜜房總無棲隱意亦得暫  
清涼

地僻人多暇心閒睡易成驗衰勛力異舒倦按摩  
輕滌硯嗔童懶觀碁笑客爭蕭然何所慕一榻晚  
風清

經廢寺

開門撲面塵無數相對猙獰鬼如故堦前苔蝕折  
腰碑夜半烏啼空腹樹牆外寥寥少四鄰野花落  
盡不知春猶剩晨昏一老衲聞言知是前朝人當  
時創造盛莫比豈謂荒涼竟若此往事吹殘牧笛  
中世情今古空流水由來代謝本無常行人下馬  
休感傷試到前途一回首舊遊何處不斜陽

春夜寄懷印上人

優曇消息幾時開日日汾西望渡杯明月漸從鐘  
裏去白雲知向鉢中來相逢點石無言語別後誅  
茅費剪裁斗柄東橫春寂寂兩番花落妙香臺

雨後雍南過訪

殘雲飛盡鶴初臨，有客騎驢雨後尋。  
明月一杯閒坐嘯，蒼苔滿屐共行吟。  
水喧石裏聲高下，蝶宿花間夢淺深。  
幽事無端眠不得，呼童移榻就松陰。

送張秀才歸涿

詩送一庭花，酒送一杯月。  
相逢正好足三春，報道來朝君欲發。  
爲君秣馬勸君餐，征衫漠漠輕風揭。  
一鞭柳外珊瑚垂，長橋雨後琉璃滑。  
今宵鄭重須盡歡，君再來時春已歇。  
少陵有夢見青蓮，猶恐夢

中多恍惚

次韻答張秀才

萬綠叢中隱邵村，荷花荷葉抱衡門。  
山聲遠應人孤嘯，池影遙分月一痕。  
閒對丈人歌小婦，漫欣父老慶曾孫。  
飲牛須向溪清處，流到塵寰水亦渾。

寄恒山郭孝廉

起  
一日幾登樓，美人隔秋水。  
白雲自南來，應從君處

石公明府過訪

莫莫蒼苔過雨痕依依嫩日下雲根四明狂客支  
藤枕五柳先生到草門別有襟懷貪看竹能無拘  
束易開尊花前不作風塵語共把新詩細討論

遣興和浦傳功三首

吏隱懸知未可兼禽魚相伴少猜嫌花緣病久春  
全落酒爲愁深夜屢添西下月常留小閣南來風  
不隔疎簾行藏久已貪幽獨縱遇君平不復占  
碌碌誰教此地閒長安市等白雲間編籬漸引酴  
醾長啟戶常逢燕子還水灑一庭新雨露畫懸尺

幅小江山花開幾費春風力說向兒童莫浪攀  
宗慙有懷愁莫遂尙平多累苦相仍淒涼眼看新  
裘馬老大身依舊準繩硯爲磨深消脈理劍因藏  
久失鋒稜可憐剩得豪情在搖筆還能賦大鵬

夏雲歌爲金比部賦

朝來白如練晚來紅若茜曾未一瞬時奇峰染青  
靛只此一片雲輾轉隨日變出山頭映水面徒氤  
氳空婉孌雲兮雲兮來往無定踪只恐風生忽不  
見

松濤

與石爲鄰與鶴盟  
虬枝百尺倚雲撐  
山窻忽破幽人夢  
莫辨風聲是水聲

鶯梭

十里長堤柳色新  
如簧小語訴芳辰  
晴絲慣與同來往  
織就山河錦繡春

荷珠

露滴爲胎碎復圓  
香風搖曳葉田田  
分明碧玉盤中走  
不許松針柳線穿

天絲

粘花罨蝶逞餘閒  
非霧非烟自在還  
應是天孫初織罷  
拋殘餘線落人間

月鈎

巧樣蛾眉取次添  
花陰羅襪影纖纖  
一彎白玉天邊掛  
十二樓中捲繡簾

醉中過祝明府吾廬卽事

擎燈侍立小奚奴應笑長安舊酒徒竟向吾廬眠  
半榻還從僊令借雙鳧水聲石上同高下螢火星  
前乍有無帶醉出門歸未醒跨驢偏不要人扶

送仲謀之任廣海二首

將軍舊是一寒儒清海承恩此日初報國時磨三  
尺劍之官猶束幾囊書人懸珠串成新貴馬帶紅  
纓返故居自昔寧親稱令子堂前捧檄喜何如  
榻下寒齋數載歡一鞭先着出長安送君詩在河

干柳寄我香須海外檀玳瑁休教漁父網檳榔好  
學土人餐相期有願能如否同坐番禺對翠巒

夏日酌張越千

尋閒無地非園圃泉石爲賓人作主小閣陰濃倩  
竹團疎籬露處栽花補鵲爐香散隔簾風湘簟涼  
生何處雨我愛結客有張顛不交一言知肺腑恍  
慨悲歌擊唾壺風流逸興題鸚鵡壁上青琴山水  
音尊中酒盡時時沽疎狂一任世人嗔世人未解  
情三古

大雨張顯公明府見招馬上口占

露濕青衫踏碎泥爲看栽竹鳳城西  
電紅一綫隨鞭遠雲黑千章壓樹低  
常憶小樓尋舊路試探流水渡新溪  
使君應識門前滑許我堦除到馬蹄

新秋夜卽景書懷

村醪報熟蠟初肥燭短杯長但掩扉  
別院砧聲敲月冷小窻竹影動風微  
虛言爲學非干祿實事逢場未息機  
漸老鬚眉仍落落依然檢點芰荷衣  
山陰潘雲求由廣平別後已逾八載  
近復抵

京話舊賦贈

夜醉黃墟曉據鞍頻年舊夢憶邯鄲  
越山歸去雲迷雁燕市重來月滿欄  
人爲顏易老時當

事多難與君原有滄浪約釣取西風水一竿

懷家民部出守黎平

古夜郎界

嘆息老人老名場風塵碌碌心未傷  
出自燕趙入瀟湘一片征帆下夜郎  
夜郎去家幾千里回首田園烟霧裡  
龍標遺跡不可尋太白風流今已矣  
不識此行欲何爲徒教瘴癘侵鬚眉  
卽今解組便歸

去山中歲月寧幾時

秋雲歌爲張叅戎賦

丈夫胸襟自落落，廊廟江湖意有托。功成早晚卽歸來，此身肯爲浮名縛。春來花自開，春去花還落。世間萬事有盈虛，未有繁華不寂寞。繁華何足遭人妬，寂寞何須更相謔。感時不必看秋雲，秋雲豈比人情薄。

少年行二首

報國謀身事半虛，喜從粉黛鬪華裾。翩翩獨向風前立，自道丰神玉不如。博得平康近有名，整衣凌曉出春城。珊瑚鞭下追風去，笑聽街頭贊馬聲。

關山月

萬古多情種，關山月一輪。深閨傷思婦，邊塞感征人。關山月盈還缺，海上來雲中沒。知爲玉兔爍，光暈照人何事生。凄清仰思其意不可得，登樓問月月無聲。廣寒固在清虛處，不應種此桂花樹。天上人間共此情，那堪一箇嫦娥住。

隱几

隱几獨攤書斜陽半茅屋風過忽敲窗幾片蕭蕭竹

聞雁

不寐夜悠悠遙天喚客愁月中孤影去雲外一聲秋

秋日閒居聞盧學士過訪

長安市上野人居三十年來舊草廬榴子得霜紅  
破碎竹孫經雨綠蕭疎臨池澗墨成蚪蚪倚枕翻

書落蠹魚有意問奇方載酒欣聞學士命中車

病中柬諸同學

秋聲何事耳邊多竹對閒窗屋遶荷有雨半從池  
上響無風不向葉間過如逢故友書頻檢厭見衰  
容鏡懶磨謝客非真忘俗慮閉門實為養殘疴

賦得聲在樹間

忽覺波濤下碧空却緣茅屋傍林東嚴霜亂剪秋  
深葉古木頻號夜半風任爾蟲鳴空壁冷依然書  
伴一燈紅不用悲搖落天地同歸肅殺中



花豫樓晚晴寓目

珠簾十二悄無聲  
花豫樓前罷雨零  
雲疊數層遮樹白  
山橫一片隔城青  
人從返照歸何緩  
馬向新泥步履停  
惟有逍遙塵外鶴  
晚來松頂獨修翎

夢回

醒來還帶夢中情  
定久方知夢已驚  
萬籟寂寥蟲四壁  
一鐘飄渺月三更  
事經過去雖成幻  
心未休時尙苦爭  
書劔半生仍落莫  
升沉何處問君平

東翠照亭主人

翠照亭邊樹清溪  
水上舟別來經兩月  
吟得許多秋

物候

何處砧聲斷續敲  
西風又轉上林梢  
避寒雁喜歸秋海  
覓路鴉忙返暮巢  
物候偏能依月令  
世情久不問羲爻  
壯年羞向閒中度  
誰謂身名等幻泡

過李大員外新齋書壁

閉門惟讀古絕不類沽名檻  
外花臺淨窻前墨沼  
明捲簾延竹色  
啜茗坐秋聲  
竟日耽新句  
推敲一

字爭

在園小集感賦

亂鴉飛盡絳河生一道寒光界鳳城  
長者車迴花徑寂賢人星帶草堂明  
劔前慷慨歌言志竹裡沉酣酒縱情  
同此壯懷消未得夜深倚月聽秋聲

萍莊道中卽景

豈是人間別有天只分城郭與林泉  
誰家犢放眠秋草數里鷄同唱  
午烟得失但忙塵市裡是非不到野塘邊  
傍巖二老敲枰處過客看來也欲仙

同石公渭公若士集履吉齋中同分五韻

日落萬家寒風翻葉葉丹野雲迷遠塞  
秋色動長安病後顏將老愁中會頗難  
故人一杯酒鬢鬢好看同看

夢中得句口占足之

榻擁寒雲臥小樓無邊風雨易深秋  
吹殘蟋蟀聲怨滴碎梧桐葉葉愁  
千里外人驚夢裡十年前事亂  
心頭別時猶記春方半柳陌烟濃酒一甌

秋日臥病二首

病中身頗厭煩囂三尺青桐伴寂寥誰向北窻種  
疎竹秋來無日不蕭蕭

曝背閒居午日溫一庭衰草獨關門不知柿葉深  
秋色紅遍西山幾處村

棗林三首

墟里野人境賓從豈常有疎林澹夕陽籬落不吠  
狗款款媚遠客依依迎村口邀我入茅堂稚子喜  
驚走倉箱秋畢登家家事隴畝此鄉頗淳朴卜居  
庶可久

西北多佳境而但少流水斯地足移情去山不數  
里畫屏列參差柴門容徒倚陰晴景物殊晨夕景  
佳美寒峰吐白雲醉葉翻红柿可以策蹇驢尋詩  
煙霞裏

地得棗林名見林不見棗矮屋一旗風但傳村醪  
好野人爲我言茲酒市頗少水淡麩蘖真秘法復  
能造所以遠方人時時來傾倒聞之獨怡然適獲  
我懷抱就此結茅廬將借以送老

此地釀美酒城內亦往沽之

雨夜履吉集諸同人看菊

不惜泥途滑同耽野興幽酒沾雙屐雨花擁一牀  
秋往事供談笑浮踪感去畱清宵須盡醉明日各  
添愁

秋深有感

秋色足黃花風吹落日斜雲迷高下雁樹遠後先  
鴉別院鳴雙杵嚴城咽暮笳壯心空落落流涕惜  
年華

夜半聞風

紙窻吹冷月三更蕭瑟人從夢裡驚草木連宵搖

落盡更於何處着秋聲

偶興

不與羣兒競後先閒中歌嘯醉中禪出門終日連  
詩社守郡他時乞酒泉幾葉風疎楊柳岸滿籬霜  
冷菊花天重陽已過秋容老何處登臨不惘然

漫成

未肯逢人說數奇近來心事水雲知風堤楊柳彫  
何早雪嶺梅花放獨遲乘月夜歸多中酒跨驢朝  
出半尋詩高歌一曲鬚看老且向溪頭理釣絲

先大夫忌日改畫遺像

聊借丹青手遙傳畫裏親摹形思不遠在口說難

真許

國蒼髯改

先大夫鬚長一尺餘時有美髯之號三楚之役歸卽蒼然矣

招魂紫綉新

卒後敘功進階三秩

一生清白吏回首六經春

寄涿州張秀才

鹿山山高高范水水深深中有古逸人一日千古  
心幽棲翠照亭客居珠樹林往來長安道踪跡不  
可尋凡卉無異香衆鳥多繁音貪臥芝蘭室晨夕  
抱青琴

家司馬同友人談白姬往事

露濕花枝夜氣清挑燈閒坐說卿卿風塵無命休  
言色粉黛知詩易博名朱戶依然圓夜月綠楊何  
處囀春鶯幾時重灑琵琶淚一訴江州別後情

冬日雜感二首

月令候不爽十月黃花乾北風及時來凜凜入長  
安冰凝玉河岸霜積銅人盤無處不蕭索萬物盡  
摧殘但莫撼高松松高不受寒

羔裘宜燕居大夫乃服此長安輕薄兒視之賤如

唐莊詩集  
紙白腋與黑貂尚嫌質未美車馬鬪朔風紛紛競  
相比憶彼揚揚心直以寒爲喜吁嗟乎貧民敝衣  
冷似水

對雪偶成

党家歌舞尋常事屬國流離十九年我獨閉門貪  
寂靜一瓶臘酒抱書眠

雜感六首

伐柳樹河干無根何太子春風寧幾時亦自生枝  
葉

楊花無定飛化萍復飄泊慎莫怨東風根蒂原輕  
薄

風吹遠塞燿日落荒山樹此地稻梁稀雁飛不肯  
住

利刃猶可當猛虎猶可御平地起峰巒使人去無  
路

雲從山中起山爲雲所亂冉冉不多時雲濃山不  
見

秋雨自瀰漫秋風忽來去爲嫌風雨聲欲伐庭前

樹

香河道上

漠漠陰雲凍不開風隨馬足起塵埃舟橫斷岸沙  
埋沒河結堅冰客往來黃土一堆新戰骨高丘幾  
處舊烽臺窮冬飛盡南歸雁帶得邊聲日夜哀

男  
均  
培  
全校字

葛莊詩鈔卷四 終

葛莊詩鈔 甲子

遼海劉廷璣玉衡一字在園著

卷五

元旦二首

檢曆重看第一行上元甲子日初長寒梅放蕊烘  
春早翠栢燒燿燿歲香燿音旣去聲北俗  
燒栢葉名為燿歲髮短  
慈親添老大衣新兒女愛紛忙昇平得遂家園樂  
各捧屠蘇壽草堂

卽逢此日但長吟為惜韶華過眼頻簷溜有聲前

夜雪庭花無恙隔年春素貪幽獨迂何甚不善逢  
迎懶是真一醜椒花妻頌酒任他紈綺逐風塵

白髮一莖吟

半窻紅日報新晴看妻窻下理釵荆鏡裏容顏忽  
不樂爲言白髮一莖生憶昔于歸侍饘粥睂翠顏  
朱雙鬢綠幾時兒女竟成行十六年華去何速聞  
之不覺心凄然余生只少爾一年爾髮于今將若  
此余顏不問可知矣何時微祿買山田早向山中  
樂甘旨

上元夜悼姬用祝二宗人起句四首

猶望香魂托杜鵑夜深來傍畫欄前樹頭露重花  
如泣池底風搖月不圓一語錯成千古恨百年期  
結再生緣情知夢見終何益非夢同誰訴可憐  
猶望香魂托杜鵑最團圓夜獨凄然芳春依舊歸  
楊柳佳節徒勞報管絃衣疊空箱憐去後妝成畫  
閣憶生前天邊昨歲今宵月酒綠燈紅正未眠  
猶望香魂托杜鵑一簾月魄鎖蒼烟手痕忍見衣  
仍在鬢影愁看鏡獨圓小膽素驚空屋裏孤墳今



傍白楊邊早知子結花旋落應悔當時夢玉僊  
猶望香魂托杜鵑有詩先作斷腸篇與君俱薄應  
知命是我無緣敢恨天入夢芳蘭纔九月伴人錦  
瑟未三年可憐春雨催花放故弄嬌容到眼前

哭幼子五首

周姬沒後所遺  
一子又復殤也

寸心窄窄痛難支雙淚無多有盡時纔賦悼亡詩  
未了那堪又賦哭兒詩

爾母拋余未數旬爾今偏去慰慈親夜臺母子團  
圓好可念風前灑淚人

夢裏吞聲不自知被人喚醒愈增悲五更燈火三  
更月依舊前宵索乳時

珠擎掌上不多時也解相親一笑癡竹馬泥人都  
在眼九重泉路共誰嬉

來往因緣不可求真將生歿寄蜉蝣可憐一歲孤  
兒骨竟占荒山土一丘

春遊豐臺贈賣花叟

薊北亦江南芬芳此地偏人家圍柳岸風俗倚花  
田計月趨三市

每月逢三集土地廟初  
一十五廿五集報國寺將春賣一

肩也能邀客醉囊裏有青錢

同內悼周姬幼子

剪罷春燈話斷腸傷心檢點舊衣裳風敲蓮葉珠  
當碎霧鎖楊枝帶不長負我夫妻恩數載輸他母  
子淚千行夜臺若解人相憶笑靨啼聲入睡鄉

花朝前一日花豫樓感悼

獨倚樓頭對雪殘凍雲飛過濕闌干深深樹色朝  
如暝淺淺春光午尚寒風景依然傷臥病人琴去  
矣罷追歡閒裁詩句成長恨今歲花開辦辦單

春日漫書

小雨清明復幾時梅花纔白兩三枝春光也似人  
情薄熱處紛紛冷處遲

卽景

二月寒輕解黑貂閒庭無物不逍遙雀靈有雨先  
飛舞柳弱無風自動搖檻外雲將煙共去山南水  
帶雪同消小童報道松花熟且莫騎驢過板橋

先大夫遣舍妹適秦中閱今數載言歸之夕  
尙阻東直門外悲喜交集挑燈賦此

秦水燕山隔路岐歸寧咫尺見偏遲馬蹄已信三  
春約蝶夢猶牽兩地思引領號天同失怙到門灑  
淚各傷兒是月各遙知此際情無限顏鬢驚看認  
往時

帝京踏燈詞六首和沈客子韻

姊妹相邀莫問郎玉河須認石牌坊銀泥衫子新  
花樣不要人看不出房  
為掛紗燈搭小棚遊人看各一枝擎粗豪緊踏秧  
歌去却把新衣向晚更

高髻輕鈿貼翠翎今宵偏不坐雲軒橋邊小步歸  
來喜摸得城門鐵葉釘  
酒家誰復換金貂火樹空懸凍未消風俗是誰傳  
不改元宵人各買元宵  
新譜梨園唱幾迴都人百萬擁高臺忽傳南苑張  
煙火細馬輕車又去來

春塲三市接松壇有女如雲不避官都說閒行消  
百病先拚今夜試輕寒

疊前韻

誰家輕薄小兒郎笑入城南第二坊餘興不隨燈

火盡攜錢買酒入新房

二坊新房皆狹斜地

剪蓆沿街結綵棚孩兒鮑老各分擎嚴城不辨今宵拆兔影沉西是又更

紫金冠插一枝翎開向長街雜翠駟月下自歌還自舞滿身光爛小銀釘

打塊成團煖額貂薄沾香汗又旋消九衢百戲人千萬若箇先歸負此宵

天主堂前任往迴風琴夜不響高臺但聽無數秧

歌鼓打入人家屋裏來

正陽門啟接天壇此夕金吾是備官一路暗塵星欲曙重新呼酒禦春寒

題西湖雨泛圖二首

畫船簫管日紛紛應使煙波也厭聞爭似湖心青箬笠獨將孤棹撥寒雲

山盡空濛樹半迷短橋橫處臥長堤共傳箇是西

泠水小阮圖成大阮題

謂沈寓齋南亭叔姪

喜瞿明府入都以西戎見貽

萬莊詩錄  
九  
顏鬢相看半已非屋梁今夜夢應稀秋從雁底題  
書去春到花時帶客歸知我褐衣無日釋問君鳧  
鳥幾時飛共期早晚沾微祿休戀寒潭舊釣磯

晚晴

高閣初沉日殘雲盡變霞池添新白水萍點舊楊  
花嚙嚙鶯簧老飛飛燕剪斜一盃相映綠竹裏試  
龍芽

在園小集分韻

閒情同向酒中拋檢點詩篇帶醉敲竹惹輕風鳴  
石罅樓懸斜日射山坳三春嘉客誰題鳳數載浮  
名獨繫匏對此吟懷消不得師成一字待君教

醉花吟

城市苦地窄無隙容花木車馬况紛馳輕塵掩黛  
綠不識春來早寧解春歸速我家城西隅雅意耽  
幽獨草橋豐臺間日買春一握東隣有酒家將錢  
呼百斛帶醉竹牀眠夢魂常馥馥

折楊柳

推雨托風數易期欲行不行故遲遲朝來報道束

唐詩言  
裝就再將堆托難措詞含泪一相送送君到南浦  
楊柳最無情不知離別苦折斷一枝枝春來依舊  
垂人從此時去却向何時歸有言未盡中心曲長  
條不繫班騅足行人漸遠影漸微河橋搖曳傷心  
綠

同人過舍邀次日遊豐臺卽席限韻

東風一路草青青客履聲催鶴夢醒茅舍塵開高  
士榻藥欄花列美人屏歸來燕子依然好老去鶯  
兒尙可聽恐負春光須縱酒西山斜日在疎櫺

郭子固舍人新居

宣武門東別一天雖然城市亦林泉亭邊有月先  
臨水竹裏無風便任煙書畫參差屏對列鬚眉皎  
潔鏡孤懸舍人性頗耽佳句許我吟詩數往還  
集家伴阮宅先歸漫成

梨園初集酒初溫無奈斜陽下遠村莫道催歸人  
去疾從來歌舞易黃昏

雨中卽事四首

雲起西山失翠屏乘風送雨到中庭舊時題句無

餘墨洗得芭蕉片片青

翻盆平地起浮漚頃刻涼生五月秋舍北舍南都

是水宛然身泊一虛舟

主人何事急呼兒種竹都傳此日宜前在豐臺會

有約晴天買就雨天移

今宵不醉不成眠沽酒人歸遠市邊破蓋在肩瓶

在手滿驢細雨一簑煙

祖園卽景

香過雨冥冥橋連數畝青荷花共荷葉團抱水中

亭

伏日雜興八首

畏報衣冠客到堂閒開尊酒自徜徉醉時呼月來

三徑狂裏吟風貯滿囊檻外竹高君子節池邊荷

送美人香不知夜漏添多少斗柄橫斜水面涼

不定晴陰苦濕蒸一朝生計一盤冰臥翻數版書

旋睡坐食全盃飯未能羅帳暫開驅白鳥

白鳥蚊名竹

簾常下避青蠅晚來新月虛窻度怕見炎光罷點

燈

雲過空庭帶雨頻沿堦草色亦精神教成小鳥能  
呼客飼慣朱魚喜近人睡久每嫌湘簟濕浴完初  
試葛衣新閉門事事都忘卻自笑真成懶惰身  
履曳長廊手背叉巡簷鷲子欲歸家梧桐半覆迎  
風葉茉莉全開傍晚花樓角斷虹收宿雨樹間新  
月送殘霞科頭欲向槐亭去先挈磁壺貯冷茶  
不爲無絃傻廢琴眼前山水結知音好畱熟客容  
疎禮貪看閒書省費心竹裏有風聲細細松間少  
日影沉沉敢云性僻耽詩酒雅慕先生號醉吟

殘雲飛盡夕陽明院宇涼從雨後生蛛以一身旋  
作網蟬將兩翼鼓成聲摘來晚飯園蔬嫩煮就新  
茶澗水清半榻閒窻容寄傲此間曾不許人爭  
滿架葡萄作翠屏匡牀且喜此身寧數因偶起爻  
常准方爲多傳藥不靈案上學圖新蛺蝶藤梢閒  
立小蜻蜓誰言白日長如歲移過紗窻又幾檣  
長夏陰晴未易猜小園樓閣面山隈不須遮日雲  
常滿纔要澆花雨忽來稚子風搖蒲葉扇侍兒酒  
進竹根盃闌干十二閒憑處一嘯林泉倦眼開



和韻答高僉事

漫勞知己問行藏湖海浮沉未敢量似爾有官猶  
早棄在余失路復何傷一棚細雨葡萄熟滿幕輕  
風驚子忙贏得衡門常寂靜秋來檢點舊糟牀

雨後感悼

梧桐風裏一聲秋捲起煙雲片片收白板扉關連  
夜夢烏皮几隱隔年愁而今對酒花經雨當日吹  
簫月滿樓銀漢迢迢星寂寞却教人反妬牽牛

邯鄲李秀才應試至京感舊

十載邯鄲別驚從夢裏來宵深頻剪燭事往且停  
杯月色虛窗冷虫聲破壁哀小亭有叢桂今夕爲  
君開

偶感

陰晴天不定得失豈人謀凡事乃如此半生徒自  
愁酒錢貧歲月詩帙富春秋隨意煙霞臥韶光未  
可畱

次祝渭公韻二首

誰識塵寰燕處堂只將得失論當場馮唐未必甘

心老李白原非有意狂  
月引酒懷連夜渴  
詩隨花信四時忙  
秋來一任西風冷  
不覓人間得熱方  
不許緇塵犯草堂  
年來作戲喜逢場  
燿霞寄傲拚人棄  
朋友憐才恕我狂  
南海秋歸哀雁早  
西山風送亂雲忙  
幾回空作遊僊夢  
濁世原無不死方

靜夜思

月落三更後  
蟲鳴四壁寒  
小樓人不寐  
垂手玉欄干

臨高臺

野色渺無際  
河流一線分  
所懷終不見  
極目萬重雲

生計

一年秋又半  
生計竟何如  
終日雙眉聚  
全家百口餘  
賤貧依稼穡  
老大誤詩書  
待得沾微祿  
西風鬢已疎

秋夜

一夜懷人夢  
不前冷風蕭瑟  
雨纏綿曉來  
斬却窗前竹  
應少秋聲到枕邊

同張明府攜酒至豐臺尋菊明府留宿予以  
一瓶易其數本而還

採菊淵明野興幽我來送酒學江州傾將棹市

地名

三升雪

酒名

換得豐臺一擔秋日落驢馱殘醉返月

明客傍晚香留詩成莫與人輕看韻事應難語俗  
流

### 苦雨

長夏既苦旱入秋復苦雨風急雷電驚雲黑蛟龍  
怒潦水竟成溪疎籬亦顛仆客從郊外來告我農

人苦未割半田疇已割半場圃屋小不能容盡爲  
雨所注新粒反回青萌芽旋復吐三秋又無成聞  
之心驚怖盜賊是平民飢寒驅之去  
當塗人  
以安其故

### 病鶴

九臯無復見襍穢寂寂空堦獨立時鳳翼未容施  
矯健雞羣翻欲笑支離素心終許邀花護瘦骨惟  
堪倩月醫萬里海天雲路在舉頭何處是瑤池

### 悼鶴

終日翩翩遠徑行當堦今剩一松清羽毛不度三  
千水魂魄應依十二城賦就月明空有夢醒來夜  
半竟無聲可憐華表歸何日翻向人間送此生

棗林小築

預作歸田計依雲結數椽酒帘搖曳處

村中善山釀酒

色淡濃邊屋小能容膝牆高也及肩當門兩槐樹  
常鎖一村煙

通州曉發

殘月疎鐘攪客眠一鞭揮破石塘煙束裝爭渡臨

城水隔岸遙呼載馬船大木浮山來塞外春糧飛  
檝聚河邊神京只在雲深處翹首氤氳尺五天

順義道中

落日馬蹄忙秋空逐雁行塵高衣皂白霜早葉青  
黃投止當門坐狂呼索酒嘗相逢問野老何地古  
漁陽

旅夜口占

客夢還家百感生無端行李滯荒城秋林一夜風  
和兩併作羈人枕上聲

渡范水

鴉比征人曉夜忙  
寒煙古木遠蒼蒼  
河流一綫長  
橋外雙塔高低認  
范陽

涿鹿道上

無邊衰草接雲根  
煙外蒼茫幾處村  
帝里北瞻雙  
關迥上方名山西擁數峰尊  
河遷故道橋空設  
人已  
千秋樹尙存先主樓  
行李蕭蕭歸路晚  
當頭明月  
正黃昏

秦中公車諸君至京喜接西安太守董淑予

妹倩手書

裘馬風流美少年  
早憑熊軾去翩翩  
驚看書自成  
陽發笑聽人稱太守賢  
一片心隨秦隴月  
半生身老薊門煙  
行藏不敢勞君問  
碁局長安屢變遷

賦得孤燈寒照雨限韻

坐對殘缸夜氣清  
暗風吹雨一聲聲  
心灰燭炬都  
成恨  
點滴堦除總繫情  
小院深沉春夢斷  
他鄉慘澹旅魂驚  
眼前祇覺難安枕  
多分今宵不肯明

早雪限韻

不見空庭鶴  
惟看繞樹鴉  
連天低玉闕  
擁地疊銀沙  
籬凍三秋菊  
林飛十月花  
辟寒須仗酒  
帘影逐風斜

男  
均  
培  
全  
校  
字

葛莊詩鈔卷五  
終

